

Dinora Dirksz di sindicato ABV

Sindicato ABV contento cu Dialogo Social unda ta atende asuntonan grandi di pais Aruba



Dialogo Social ta unda cu ta haya tur stakeholder y hunto mester sali di cualkier impasse y tur hende mester pone awa den biña. Mi ta kere cu nos mester sigui cu n'e, pa

trata cosnan grandi pa nos pais. Dialogo Social ta algo serio unda cosnan grandi ta wordo haci pa e pais y cu na final Parlamento mester duna su aprobacion riba nan".

Dirksz a enfatisa cu Dialogo Social na ningun momento ta kita autoridad di Parlamento, tur lo contrario. E proceso di Dialogo Social ta yuda Parlamentarionan door di haci

e "voorwerk". ABV ta para pa Dialogo Social. "Den ultimo cuatro añanan, hopi cos cu a formula den Dialogo Social a wordo ehecuta pa cual nos ta contento."

ORANJESTAD(AAN): Den e siman cu ta tras di lomba formador Eman a reuni consultando cu varios sindicato y gremionan comercial. E consultanan aki cu ta wordo haci door di formador ta algo cu ta wordo aprecia door di gremio y sindicatonan. E consultanan aki ta duna nan e oportunidad pa expresa nan preocupacion y sugerencianan como partnernan social.

Presidente di ABV Dinora Dirksz a bisa cu nan ta masha contento di a haya e oportunidad pa reuni cu formador den un forma habri, na unda a haya entre otro un presentacion relaciona cu e peticionnan di Gobernador na formador Eman. Banda di esey, ABV a splica di su banda kico nan como sindicato kier mira den un proximo gobernacion. Prome cu tur cos, segun Dirksz a splica, a papia di nan preocupacionnan, pero tambe ideanan di e sector for di unda nan ta bin, Salubridad Publico. "Un pais saludabel ta progreso so ta mira," el a bisa. Sinembargo no por keda sin bisa cu tin retonan pa atende den mundo di salud na Aruba.

Pa loke ta temanan di preocupacion general di pais pa ABV ta e retonan riba tereno di finansas y e fondo di AOV. Tambe a pidi pa un Dialogo cu tur gremio y instancia, unda mester sinta discuti riba e rumbo cu kier pa Aruba tuma. Renobacion di dr. Horacio Oduber Hospital ta un di e puntonan cu a wordo treci dilanti door di ABV pa motibo cu nan ta kere cu e lo tin influencia riba diferente aspecto, entre otro su operacion y contractonan colectivo den futuro.

Pa ABV, Dialogo Social ta un instrumento hopi importante pa Aruba. E ta algo cu International Labour Organization (ILO) ta promove tur caminda rond di mundo. "Awor no ta kere mas den sistema antes di ban wega. Awor ta na mesa ta haya otro ora tin un problema, nos ta sinta na mesa pa resolve.